



Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i u skladu sa članom 13. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 03/17 i 37/17), Gradsko vijeće Grada Sarajeva, na sjednici održanoj dana \_\_\_\_\_ godine, donijelo je

*(prijedlog)*

**ODLUKU**  
**O DODJELI „ŠESTOAPRILSKE NAGRADE GRADA SARAJEVA“**  
**U 2018. GODINI**  
**U OBLASTI ZDRAVSTVA I SOCIJALNE ZAŠTITE**

Član 1.

Dobitnik „Šestoaprilske nagrade Grada Sarajeva“ u 2018. godini za doprinos u oblasti zdravstva i socijalne zaštite je *Udruženje „Medicinska asocijacija BIMA u Bosni i Hercegovini“*.

Član 2.

Nagradu uručuje gradonačelnik Grada Sarajeva na Svečanoj sjednici Gradskog vijeća Grada Sarajeva.

Član 3.

„Šestoaprilska nagrada Grada Sarajeva“ dodjeljuje se u obliku Povelje i sadrži novčani iznos.

Član 4.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

**PREDSJEDAVALJUĆI GRADSKOG VIJEĆA**

*Dr. Igor Gavrić*

Broj: 01-GV-02- /18  
Datum, \_\_\_\_\_ godine

## OBRAZLOŽENJE

### PRAVNI OSNOV

Pravni osnov za donošenje ove odluke je sadržan u odredbi člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je utvrđena nadležnost Gradskog vijeća za donošenje Odluke o dodjeli „Šestoaprilske nagrade Grada Sarajeva“. Odlukom o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 03/17 i 37/17), odredbom člana 13. propisano je, između ostalog, da nakon provedenog postupka za dodjelu „Šestoaprilske nagrade Grada Sarajeva“, od strane Odbora, Gradskom vijeću se upućuju prijedlozi za dodjelu Nagrade po oblastima, o kojima Gradsko vijeće donosi konačnu odluku tajnim glasanjem.

### RAZLOZI ZA DONOŠENJE ODLUKE

„Šestoaprilska nagrada Grada Sarajeva“ dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti
- sporta,
- zdravstva i socijalne zaštite,
- drugim oblastima rada i stvaralaštva,

bez obzira na godinu ostvarenja a koji doprinose ukupnom unaprijeđenju, promociji i razvoju grada Sarajeva kao glavnog grada Bosne i Hercegovine i Federacije Bosne i Hercegovine. Pod značajnim ostvarenjima podrazumjevaju se djela ostvarena u kontinuitetu koja se ocjenjuju kao doprinos razvoju odgovarajuće oblasti, u skladu sa kriterijima, uobičajenim za konkretnu oblast, a koji doprinose ukupnom razvoju odnosno promociji grada Sarajeva.

Sastavni dio obrazloženja su prijedlozi pristigli po Javnom pozivu za predlaganje kandidata za dodjelu „Šestoaprilske nagrade Grada Sarajeva“ u 2018. godini.

Nagrada se dodjeljuje kao Nagrada za nemjerljiv doprinos Udruženja „Medicinska asocijacija BIMA u Bosni i Hercegovini“ u „oblasti zdravstva i socijalne zaštite“, a u skladu sa Odlukom o uslovima i načinu dodjele „Šestoaprilske nagrade Grada Sarajeva“.

S obzirom na naprijed izneseno, Odbor za dodjelu „Šestoaprilske nagrade Grada Sarajeva“ u 2018. godini je razmatrajući pristigle prijedloge za dodjelu Nagrade, formuliralo dva prijedloga odluke o dodjeli Nagrade za postignuća u „oblasti zdravstva i socijalne zaštite“ i to Udruženju „Medicinska asocijacija BIMA u Bosni i Hercegovini“ čiji je prilog ovo obrazloženje i Prijedlog Odluke o dodjeli Nagrade Prof. Dr. Ismet Gavrankapetanović.

Gradsko vijeće se tajnim glasanjem određuje o konačnom dobitniku Nagrade u 2018. godini u ovoj oblasti na sjednici Gradskog vijeća, a razmatrajući ova dva navedena prijedloga.

### PREDLOŽENA RJEŠENJA

Članom 1. se imenuje dobitnik Nagrade u 2018. godini.

Članom 2. se određuje da Nagradu uručuje gradonačelnik Grada Sarajeva na Svečanoj sjednici Gradskog vijeća Grada Sarajeva.

Članom 3. je utvrđeno da se Nagrada dodjeljuje u obliku Povelje uz novčani iznos u visini u skladu s Odlukom Gradskog vijeća.

Članom 4. se određuje stupanje na snagu odluke i obaveza objavljivanja u „Službenim novinama Kantona Sarajevo“.

### SREDSTVA

Sredstva za realizaciju ove odluke se planiraju u Budžetu Grada Sarajeva.